



Broj:04-GV-02-760/18

Datum: 19.06.2018. godine

ZAPISNIK
O RADU 16. SJEDNICE KOMISIJE ZA SPOMENIKE
GRADSKOG VIJEĆA
održane 19.06.2018. godine

Prisutni:

1. Enes Husejnović, predsjedavajući Komisije
2. Sead Srna, zamjenik Predsjedavajućeg
3. Reuf Hafizović, član
4. Jasmin Smječanin, član
5. Nedim Dizdarević, član
6. Pavle Krstić, član

Odsutna: Lana Velić, članica (najavljen izostanak)

Sjednici prisustvovala iz Gradske službe za Gradsko vijeće:

- Mirjana Đanović Stanić, šef Odsjeka za stručne poslove u Gradskoj službi za Gradsko vijeće.

Sjednici prisustvovala:

- Senada Kočan, viši stručni saradnik u Gradskoj službi za urbano planiranje, investicijske, stambene i komunalne poslove - Odsjek za komunalne poslove.

Predsjedavajući je otvorio 16. sjednicu Komisije za spomenike Gradskog vijeća, pozdravio prisutne i utvrdio kvorum za punovažan rad i odlučivanje. Sjednica je započela razmatranjem i jednoglasnim usvajanjem Zapisnika o radu 15.sjednice Komisije za spomenike održane 13.06.2018. godine.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Utvrđivanje Prijedloga Odluke o podizanju Spomen obilježja „Odrred Lasta“
2. Informacija o toku realizacije podnesenih inicijativa za podizanje spomenika od značaja za Grad Sarajevo u tekućem i prethodnom mandatu Gradskog vijeća
3. Tekuća pitanja

Uz poziv za sjednicu Komisije kao informativni materijal dostavljena je

- Informacija o realizaciji zaključka Komisije za spomenike vezano za izradu urbanističkog projekta park FIS

TAČKA 1.

Utvrđivanje Prijedloga Odluke o podizanju Spomen obilježja „Odrred Lasta“

Poslije kratkih uvodnih napomena, te rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike utvrđuje Prijedlog Odluke o podizanju Spomen obilježja „Odrred Lasta“ i upućuje ga Gradskom vijeću na razmatranje po skraćenom postupku.

Utvrđeni Prijedlog Odluke je u prilogu ovog akta.

TAČKA 2.

Informacija o toku realizacije podnesenih inicijativa za podizanje spomenika od značaja za Grad Sarajevo u tekućem i prethodnom mandatu Gradskog vijeća

Poslije kratkih uvodnih napomena, te rasprave i sažetka Predsjedavajućeg, jednoglasno su usvojeni sljedeći **zaključci**:

1. Komisija za spomenike je razmotrila Informaciju o toku realizacije podnesenih inicijativa za podizanje spomenika od značaja za Grad Sarajevo u tekućem i prethodnom mandatu Gradskog vijeća i primila je k znanju.
2. U povodu razmatranja Informacije, Komisija je konstatirala da je u procesu realizacija inicijative za podizanje spomen obilježja svim poginulim braniteljima HVO „Kralj Tvrtko“ u Kranjčevićevoj ulici, za čiju realizaciju je dokumentacija dopunjena, te slijedi predlaganje odluke za Gradsko vijeće.
3. Komisija za spomenike konstatira da određene inicijative za koje je utvrđeno da su od interesa za Grad Sarajevo, inicijatori nisu realizirali, te upućuje inicijativu Gradskom vijeću da zaduži Gradonačelnika da razmotri mogućnosti i predloži odgovarajuće akte kojima bi Gradsko vijeće odlučilo o tome da Grad Sarajevo bude, određenom dinamikom, nosilac realizacije projekata podizanja spomenika Kralju Tvrtku Kotromaniću, Isa begu Ishakoviću, ubijenim građanima Sarajeva 1992-1995 i Spomen obilježja ženi Sarajeva, Grahamu Bamfordu, te Esadu Arnautaliću, Kemal Montenu i Dariju Džamonji, a što podrazumijeva planiranje sredstava za realizaciju ovih projekata u kontinuitetu.
4. Komisija za spomenike upućuje inicijativu Gradskom vijeću da zaduži Gradonačelnika da, pri predlaganju Budžeta Grada Sarajeva za 2019. godinu, planira sredstva na posebnoj stavci za provođenje Odluke o spomenicima od značaja za Grad Sarajevo, koordinira sa godišnjim programiranjem održavanja spomenika.
5. Komisija za spomenike traži od Gradonačelnika da se Komisiji, za jednu od narednih sjednica, a najkasnije do kraja tekuće godine, prezentira Registar spomenika od značaja za Grad Sarajevo iz člana 9. Odluke o spomenicima od značaja za Grad Sarajevo („Službene novine Kantona Sarajevo“, 12/11 i 21/16).

TAČKA 3.

Tekuća pitanja

Komisija za spomenike je primila k znanju informativni materijal - Informaciju o realizaciji zaključka Komisije za spomenike vezano za izradu urbanističkog projekta park FIS i podržava prijedlog za izradu idejnog projekta parka.

ZAPISNIČAR

Mirjana Đanović Stanić

PREDSJEDAVALAČI KOMISIJE

Enes Husejnović, s.r.